


臟腑證治圖說人鏡經卷之三
心小腸圖



觀此圖則知肺肝脾腎皆本心生

午心火主手少陰經未小腸主手太陽經此二經爲表裏其位居肺下膈上爲一身之君主附着於脊之第五椎形如未敷蓮花中有七孔三毛以通天真之氣神之宇也經云心者君主之官神明出焉十二官皆聽命於心故生不明則十二官危使道閉塞而不通形乃大傷難經云心重十二兩盛精汁三合主藏神又云心色赤其臭焦其味苦其聲言其液汗火王於夏相於春廢於季夏囚於秋死於冬其王日丙丁王時日中其困日庚辛困時晡時死日壬癸死時夜半

俞在脊第五椎傍募在腹上巨闕

經云心者生之本神之處也其華在面其充在血脉爲陽中之太陽通於夏氣

南方赤色入通於心開竅於耳

火精之氣其神神舌爲心之官當言於舌舌用非竅故云耳也蓋手少陰之絡會於耳中故也

心色赤而中虛離之象也

心氣通於舌舌和則知五味矣

雷氣通於心

背爲陽陽中之陽心也

精氣併於心則喜

心惡熱

血病無多食鹹

久視傷血勞傷心也

憂愁思慮則傷心

損其心者調其榮衛

心色赤欲如白裹朱不欲如赭又云赤如雞冠者生如衄血者死

心熱病額先赤

心氣虛則悲不已實則笑不休

心傷則驚喜忘善怒傷心者其人勞倦卽頭面赤而下重心痛徹背煩熱

心熱病先不樂數日乃熱熱爭則卒心痛煩悶善嘔頭痛面赤無汗壬癸甚丙丁大汗氣逆則壬癸死刺手少陰太陽

心瘧者令人煩心甚欲得清水反寒多不甚熱刺手少陰神門

肝移寒於心狂膈中肝移熱於心則死

膀胱移熱於小腸鬲腸不便上爲口糜

心欬之狀欬則心痛喉中介介如梗狀介音戛聲也甚則

咽腫喉痺

心欬不已小腸受之其狀欬而失氣氣與欬俱失

心風之狀多汗惡風焦絕善怒嚇赤色病甚則不可

言快診在口其色赤

心痺者脉不通煩則心下鼓暴上氣而喘噤乾善噫

厥氣上則恐

心氣熱則下脉厥而上上則下脉虛虛則生脉痿樞

析音托挈脛縱而不任地也

心之積名曰伏梁在臍上

心實夢受驚怪異虛夢烟火飛明又云心氣盛則夢

笑恐懼

厥氣客於小腸則夢聚邑街衢

左寸心小腸脉所出

浮大而散者心也
浮滑而長者小腸也

心脉浮大而散心合血脉循血脉而行持脉脂法如

六菽之重按至血脉而得者爲浮稍稍加力脉道粗

者爲大又稍加力脉道濶軟者爲散也

帝曰夏脉何如而鈎岐伯曰夏脉者心也南方火也

萬物之所以盛長也故其氣來盛去衰故曰鈎反此

者病曰何如而反曰其氣來盛去亦盛此謂太過病

在外其氣來不盛去反盛此謂不及病在中又曰夏

人鏡經 三卷
脉太過與不及其病皆何如曰太過則令人身熱而
膚痛爲浸淫不及則令人煩心上見欬唾下爲氣泄
平心脉來累累如連珠如循琅玕曰平夏以胃氣爲
本脉來喘喘連屬其中微曲曰心病脉來前曲後居
居不如操帶鉤曰心死
真心脉至堅而搏如循薏苡子累累然其色赤黑不
澤毛折乃死

心病煩悶少氣大熱熱上盪心嘔吐欬逆狂語汗出
如珠多厥其脉當浮今反沉而滑其色當赤而反黑
者死此水尅火也

心脉搏堅而長當病舌卷不能言其與而散者當消
渴自己

夏心脉欲洪大而散脾脉欲洪而遲緩肺脉欲洪而
浮濇腎脉欲洪而沉滑命門脉與腎同肝脉欲洪而
弦長

難經云假令得心脉其外證面赤口乾喜笑其內證
臍上有動氣按之牢若痛其病煩心心痛掌中熱而
哕音拙乾有是者心也無是者非也

手少陰氣絕則脉不通脉不通則血不流血不流則
色澤去故面色黑如鯨此血先死壬日篤癸日死

華佗云肺下右側可見心系系於脊髓下通於腎其
心系有二一則上與肺通一則自心入肺兩大葉間
曲折向後並脊脊細絡相連貫通脉髓而與腎系相
通愚謂四臟之系皆通於心心則通於四臟之系也
交相連輸其血氣滲灌骨髓故五藏有病先干於心
其系上連於肺其別自肺兩葉向後貫脊下腎又自
腎而之膀胱與膀胱膜絡並行之於溲溺處也肺之
系者上通氣喉其中與心系相通脾之系者自膈中
微近左脇居胃之上並胃脘絡及胃脘相連貫膈與
心肺相通與膈膜相綴也肝之系自膈下着右脇肋
上貫膈入肺中與膈膜相連腎之系貼脊脊脂膜中
兩腎二系相通而下行其上與心系通也

經云小腸受盛之官化物出焉

小腸重二斤十四兩長三丈二尺廣二寸半徑八分
分之少半左迴疊積十六曲容穀二斗四升水六升
三合合之大半

凡胃中腐熟水穀其滓穢自胃之下口傳入小腸上
口自小腸下口闌門之際泌別水液泌音秘滲入膀胱
其糟粕傳入大腸上口矣

小腸爲赤腸

小腸病者小腹痛腰脊控臑而痛臑音高陰子也時窘耳前
熱若寒甚獨肩_上熱及手小指次指之間熱若脉陷
者此其候也

小腸有寒則下重便膿血有熱必痔

小腸有宿食常暮發熱明日復止

小腸脹者小腹臌滿臌音噴腹脹也引腹而痛

手少陰心經



凡九穴左右兩行共一十八穴自大包交與腋于極
泉循臂行至小指少衝穴止

手少陰心之脉起於心中出屬心系下膈絡小腸其
支者從心系上挾咽系其直者復從心系却上肺
出腋腋下循臑內後廉行太陰心主之後下肘內廉
少海循臂內後廉抵掌後兌骨之端神門入掌內廉循小
指之內出其端少冲
少陰心起極泉中腋下筋間脉入胸青靈肘上三寸
取少海肘內節後容靈道掌後一寸半通里腕後一
寸逢陰郤五分取動脉神門掌後兌骨同少府節後
勞宮直小指內側取少衝
手少陰心經少血多氣

是動病則噤乾心痛渴而欲飲是爲臂厥是主心
所生病者目黃脇痛臑臂內後廉痛厥掌中熱痛盛
者寸口大再倍於人迎虛者寸口反小於人迎也

手太陽小腸經



凡一十九穴左右兩行共三十八穴自少衝交與小指少澤循肘上行至面聽宮穴止

手太陽小腸之脉起於小指之端澤循手外側上腕

腕出踝中腕下兌骨為踝直上循臂骨下廉支正出肘內側兩

骨之間上循臑外後廉出肩解繞肩胛交肩上入缺

盆絡心循咽下膈抵胃屬小腸其支者從缺盆貫頸

上頰至目銳眦却入耳中其支者別循頰上頰抵鼻

至目內眦斜絡於顴

手小指端起少澤前谷外側節間索節後陷中是後

谿腕骨陷前看外側腕中骨下陽谷討腕上一寸名

養老支正腕後量五寸少海肘端五分好肩貞胛甲音

下兩骨解臑俞大骨之下保天宗骨下有陷中秉風

人竟經

人鏡經
卷三
膠後舉有空

即孔字

曲垣肩中曲胛裏外俞胛上一寸

從肩中二寸大椎旁天窓頰下動脉詳天容耳下曲

頰後顴竅面端兌骨當聽宮耳珠大如菽此一經爲

手太陽

手太陽小腸經多血少氣

是動病則噎痛頰腫不可回顧肩似拔臑似折是主

液

所生病者耳聾目黃頰腫頸頰肩臑肘臂外後廉痛

盛者人迎大再倍於寸口虛者人迎反小於寸口也

少陰司天熱淫所勝平以鹹寒佐以苦甘以酸收之

在泉熱淫於內治以鹹寒佐以苦甘以酸收之以苦

發之
主下
半年

六氣少陰之勝治以辛寒佐以苦鹹以甘瀉之

少陰之復治以鹹寒佐以苦辛以甘瀉之以酸收之

以苦發之以鹹熅之

火位之主其瀉以甘其補以鹹

少陰之客以鹹補之以甘瀉之以鹹收之

收當
作熅

戊癸化火其音曰徵戊爲陽太徵癸爲陰少徵平運

正徵

南方屬火而生熱陽盛所主君火之政也太虛昏翳

其若輕塵山川悉然熱之氣也火明不彰其色如丹
鬱熱之氣也若彤雲暴升從音然葉積乍盈乍縮崖
谷之熱也

火運太過赫曦之紀其政暑熱炎灼肺金受邪民病
瘧少氣欬喘血溢血泄注下嗑燥耳聾中熱肩背熱
上應熒惑星

火運不及伏明之紀其政熱寒雨火衰寒行民病胸
中痛脇支滿兩脇痛膺背肩胛間及兩臂內痛鬱冒
瞀昧心痛暴瘖胸腹脇下與腰背相引而痛上應辰
星

火運平氣升明之紀正陽專治德施周普五化均衡
其氣高其性速其化蕃其政明曜其養血其病瞶瘧
少陰君火主二之氣在春分後六十日有奇天度至
此暄淑乃行不行炎暑君之德也

少陰司天熱淫所勝怫熱至火行其政金氣受尅民
病胸中煩熱嗑乾右胠滿病集於右皮膚痛熱寒喘
欬肺經尺澤不至者死當子午上半年之政

君火在泉熱淫所勝則焰浮川澤陰處反明民病腹
中常鳴氣上冲胸喘不能久立寒熱皮膚痛目瞑齒
頰腫惡痛發熱如瘧小腹中痛腹大當卯酉下半年

之政

手少陰太陽引經藥歌

午心麻桂獨梔苓生地歸連代石英更有細辛并半
夏熟地五味澤同成

未小腸砂使赤脂木羌生地赤苓宜防茴藁薑羌黃
檳六味功能上下移

心小腸補瀉藥方法

心小腸火味甘補苦瀉氣熱補寒瀉

心苦緩急食酸以收之五味子

心欲軟急食鹹以軟之芒硝以鹹補之澤瀉以甘瀉
之八參甘甘草黃芪

心脉虛則苦於緩緩則不收酸性收斂急食酸以
收其緩焉心屬火心病受制於水與則水不制火
而火自盛是以心欲與也鹹能與急食鹹以與之
鹹益於心故用鹹以補之甘緩其心故用甘瀉之

苦先入心

心宜食酸

心虛以炒鹽補之虛則補其母木能生火肝乃心之
母以生薑補肝如無他證用安神丸主之

心實以甘草瀉之如無他證用瀉心湯輕則導赤散

又心實則煩熱黃連瀉心湯虛則驚悸音異生犀散

肺乘心微邪喘而熱瀉白散

肝乘心虛邪風熱煎大薤活湯下大青丸

脾乘心實邪泄瀉身熱瀉黃散

腎乘心賊邪恐怖惡寒安神丸

凡心藏得病必先調其肝腎二藏腎者心之鬼肝氣通則心氣和肝氣滯則心氣乏故心病先求於肝是澄源也五藏有病必先傳其所勝水能制火則腎邪必傳於心故先制其腎逐其邪診其肝腎俱和而心生疾則隨其本經虛實而治之

治腎邪相刑於心心既受病先診腎脉觀其病症若

腎邪干心宜先服此退腎邪散

萆薢 牛膝 茯苓 石斛 續斷各五錢 薤活

獨活 木香 川芎各一錢 天靈蓋酥炙三錢

右爲末以小便少許化射香三銖入蜜同煉爲丸梧

桐子大每服三十丸空心鹽湯下

治肝氣虧損致心乏生氣遂生虛冷心既受病當診

見心肝脉俱弱卽先服此方

五味 白朮 乾熟地黃 川芎 甘草

山茱萸 黃芪 當歸 防風 白石英

紫石英各等分

右爲末每服二錢水一盞棗二枚煎八分食前服

安神丸正補心藏

麥門冬 馬牙硝 白茯苓 寒水石研各六錢

硃砂飛一錢 甘草五錢 龍腦二分 山藥七錢

右爲末煉蜜爲丸如雞頭大每服半丸砂糖水下

瀉心湯瀉丙

黃連一兩去鬚

右末每服一字溫水調服

導赤散瀉丁

生地焙乾 木通 甘草各等分

右爲末每服三錢水一盞入竹葉煎五分食後服

定志丸

人參 茯苓各三錢 菖蒲 遠志各二錢

右爲末煉蜜爲丸如梧桐子大每服七丸米湯下

硃砂安神丸

硃砂五錢水飛 黃連六錢 甘草五錢 生地二錢

當歸二錢半酒洗

右爲末湯浸蒸餅爲丸如米大每用十五丸津嚥下

治心經實熱或欲吐吐不出煩心喘急頭痛

石膏二兩 淡竹葉七錢 香豉一兩 小麥二合

地骨皮九錢 茯苓五錢 梔子五枚

右水二盞煎至一盞去渣溫服

甘草瀉心湯治利下水穀不消腸鳴心下痞滿乾嘔

甘草 半夏八錢 黃芩 乾薑 人參各一兩

黃連三錢 大棗十二枚

水三升三合煮取二升去渣再煮取一升分三服治

寒霍亂加附子渴加栝蒌根嘔加陳皮痛加當歸客

熱以生薑代乾薑

竹瀝湯治心實熱驚夢喜笑恐畏不安

生地汁一升 淡竹瀝一升 石膏八兩 芍藥 白朮

人參 梔仁各一兩 赤石脂 紫苑 知母

茯苓各二兩

右咀水九升煮十味取二升七合去渣下竹瀝更煮

取三升欲利加入芒硝二兩去芍分三服

大補心湯治虛損心弱驚惑妄語力衰色枯

黃芩 附子各五錢 甘草 茯苓 熟地 桂心

阿膠各一錢 半夏 遠志 石膏各二錢 生薑五錢

飴糖一兩 棗二枚

水二鍾煎一鍾下糖溫服

柴胡澤瀉湯治小腸熱脹有口瘡

柴胡 澤瀉 黃芩 陳皮 旋覆花 枳實

升麻 各一錢半 生地黃 五錢

水三鍾煮鍾半入芒硝服

大黃丸治小腸熱結滿不通

大黃 一兩 芍藥 一兩 巴豆 五粒 大戟 一兩半

葶藶 一兩 杏仁 二十粒 朴硝 一兩

右爲末煉蜜爲丸梧桐子大大人七丸小兒二丸

治小腸虛寒痛下赤白腸滑用此補之

當歸 黃蘗 地榆 各二錢 黃連 阿膠 各一錢

石榴皮 二錢

水二鍾煎至八分去渣下膠烱服

治小腸冷氣非時刺痛

蓬朮 茴香 川芎 牛膝 各五錢 桂心 一分

右末每服二錢磁器內葱湯下

治小腸虛熱忽因酒後頻喫冷水并蠶汁梨子之類

冷氣裹熱結於小腸其病伏臍下結硬塊不通連外

腎俱腫宜此方診其小腸脉短此陰中有伏陽也

吳茱萸 一錢 川芎 五錢 木通 五錢 半夏 八分

右爲末每服三錢水一盞葱三莖同煎八分空心服

渣服候覺得腫處痒續進一盞其腫痒後散滿一服即効

椒附丸治小腸虛冷小便頻多

川椒炒去汗 桑螵蛸酒炙 龍骨 山茱萸

附子炮去皮臍 鹿茸酒蒸焙各等分

右為末酒糊為丸如梧桐子大每服七十丸鹽湯下

赤茯苓湯治小腸實熱面赤多汗小便不利

檳榔 生地 黃芩各二錢 赤茯苓 麥門冬去心各二錢

赤芍藥 甘草各一錢半

水一盞半薑三片煎八分去渣溫服 三卷終